



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



Llin

266



1999

43840-4.1.

Արշալոյս Արարատեան Օրագրին 403 = 406 Թի-  
ւերոշն Բանասիրականին մէջ Ազգասիրի մը  
յօդուստեւերոշն վրայ

Ք Ա Ն Ի Մ Ը Խ Օ Ս Ք

~~W~~

N 242

Այս մը կամ ժողովրդեան մը մէջ որչափ ալ գի-  
տութիւնը ծաղկելու ըլլայ, և գիտնոց բազմութիւնը  
օրէ օր գովութեամբ հռչակին, դարձեալ զարմանք չէ  
որ մեծանուն գիտուններն ալ երբեմն իրենց առանձին  
կարծեացը մէջ սխալին, ու մէկմէկու հետ վիճեն, և  
հարկաւոր ըլլայ հասարակաց իմաստնոց կարծիքը ու  
դատաստանը զանոնք ուղղելու. բայց զարմանքը այն է՝  
երբոր մասնաւոր ազգ մը կամ մարդ մը ընդհանուր  
ծաղկեալ և իմաստուն ազգաց քննած, ստուգած և  
ընդունած ճշմարտութեան դէմ ելլայ ու իր առանձնա-  
կան նախապաշարմամբ և կամ տգիտութեամբ ունե-  
ցած կարծիքը ուզենայ սրաշտարանել. և այն ոչ թեթե-  
ւիւթի մը, այլ հաւատքի ծանր և իրմէ վեր եղած  
խնդրոյ մը մէջ, հանդերձ տգիտութեան, մոլորութեան  
և հերձուածողութեան նախատինք մը բերելով իրեն  
նախապաշարմանը դէմ եղող ազգաց և եկեղեցեաց  
վրայ:

Այսինքն մէկ վէճ մը կամ համարձակախօսութիւն մը  
կը տեսնանք ցաւով սրտի այս մօտերս մեր ազգային  
օրագրաց մէկուն մէջը, ուր ամենեւին չէինք ուզեր ու  
չէինք կարծեր տեսնելու, այն է՝ Արշալոյս Արարատեան  
Օմիւռնիոյ պատուական օրագրին մէջ մէկ անանուն  
Ղզգասէր անձէ մը շարագրած և հազորդուած որ հրա-  
տարակէ ընդդէմ Հայաստան օրագրոյն շարագրողին:  
Այդ ազգասէր անձին, որուն ո՞վ ըլլալը աղէկ է որ  
չենք գիտեր, ուսումնական վիճաբանութեանը համար  
ամենեւին ըսելիք մը չէինք կրնար ունենալ, մանաւանդ  
թէ կը գովէինք ալ, թէ որ ճշմարիտ իմաստնոյ և ազ-

29 270  
Հ. Ա. ՄԱՇՎԻՔՅԱՆ  
ԳՐԱԳՐԱԿԱՆ ԿԵՆՏՐՈՆ



4266-60

27077-62

9-

դասիրի վայլած ծանր և ազաւէտ ոճը սրահած ըլլար  
ամէն տեղ, և անուանը համեմատ առաքինական ազ-  
գասիրութիւնը երեցընելով՝ իմացընէր թէ իր կամքը  
ճշմարտութիւն միայն փնտռել է, և ոչ հակառակորդը  
խոցել և վիրաւորել, որ ոչ թէ սիրոյ՝ այլ ատելութեան  
գործք մը կ'ըլլայ՝ թշնամութիւն և հերձուած ձգելով  
ազգին մէջ. որովհետեւ ազգը մասնաւորներէ կը բաւ-  
կանայ, և ամէն մասնաւոր ալ քիչ շատ իրեն կուսակից-  
ներն ալ կ'ունենայ :

Բայց եւելի ցաւալին այն է՝ որ ազգասիրութիւն  
ընել կարծելով՝ անանկ իրմէ վեր խնդրոյ մը մէջ կը  
մտնայ և յանուն ազգին և ազգային եկեղեցւոյն վճիռ-  
ներ կու տայ, որով բովանդակ ազգը ատելի ու զգուելի  
կ'ուզէ ընել բոլոր աշխարհքի ազգաց և ազանց առջին .  
և չէ թէ միայն ազգ ազգի և եկեղեցի եկեղեցւոյ դէմ,  
հապա սուրբ սուրբի ալ դէմ և թշնամի կը հանէ . մեր  
մեծանուն, հեղահոգի ու իմաստուն քերթողահայրը՝  
Խորենացին Մովսէս՝ Հռովմայ տիեզերահոջակ Եւո-  
նի հզօր հայրապետին դէմ, ո՛հ չըսուելու բան, հեր-  
քող և նզովող կը հանէ . և ո՞ր ազգասէր ահանջ կրնայ  
ըսել ասանկ հայհոյութիւն մը ու չսոսկալ, ո՞ր ազգասէր  
և ճշմարիտ քրիստոնէայ կրնայ ըսել՝ թէ Մովսէս մը,  
Կղիշէ մը, Արեւիացի մը, Շնորհալի մը, Ամբրո-  
նացի մը, որ հայաստանեայց եկեղեցւոյն սուրբերը ու  
հիմունքներն են, Վաղկեդոնի տիեզերական սուրբ  
ժողովքը իր սուրբ հայրապետներովը հերքած ու նզո-  
ված ըլլան, ու չզարհուրիլ: Այս է որ սոսկացուց զմեզ  
ալ և ստիպեց որ մեր ազգասէր սրտին խոր տխրութիւ-  
նը ու սաստիկ ցաւը յայտնենք, այս համառօտ յայ-  
տարարութեամբս, զորն որ չենք ուզեր երկնցընել  
Վաղկեդոնի տիեզերական ժողովքին ուղղութիւնը  
ու սրբութիւնը ցուցընելով, և ոչ անոր պատմութիւնը  
ընելով, և թէ ինչպէս եղեր է՝ որ մեր ազգին մէջ  
երբեմն ոմանց միտքը ծուռ կարծիք մը մտեր է այն  
սուրբ ժողովքին վրայօք . որովհետեւ ատոնք տեղն 'ի  
տեղը ուրիշ տեղուանք գրուած և բաւականապէս ցու-  
ցուած են այնպիսի մարդիկներէ, որ ճշմարտութիւնը  
փնտռելու ու ճանչնալու կարողութիւնը ունենալէն 'ի  
զատ, կրնանք ըսել թէ ազգին սիրոյն համար ալ զո՛հ





եղեր են : Այլ թէ որ այն գրուածքները բաւական չեն  
եղած այդ անուանեալ Վզգասէրը և իրեն կուսակից-  
ները՝ թէ որ ունի՝ համոզելու , նշան է՝ թէ այնպի-  
սեաց համոզուելու կամք կը պակսի և ոչ թէ գրաւոր  
տեղեկութիւններ : Վ՝յդ պատուական Վզգասէրը ինք  
իր հակառակորդին դէմ խօսելով կ'ըսէ թէ « Ի՞նչ ան-  
ահնկալ գիտի որ Վենետիկի հայկական լեզուի Ռեզո-ալան Տը-  
շահներէն մինչև հիմա անյայտ մնացած Հարանց Վարդին հեղե-  
նակը Չամբարձեան Պատուելին երևան կը հանէ » . ինք  
ուրիշ շատ տեղ նոյն Վենետիկի Ռեզո-ալան Տշահաց վը-  
կայութեամբը իր պատմական տեղեկութիւնները հաս-  
տատել կը նայի , որուն համար մեծապէս շնորհակալ  
ենք որ այդ պատուոյն արժանի կը սեպէ զանոնք . բայց  
թէ որ իրաւցընէ կ'ընդունի այդ պատուական Վզգա-  
սէրը թէ այն Վենետիկի Ռեզո-ալան Տշահները այնչափ  
հետամուտ են հայկական լեզուին ու պատմութեանը  
վերաբերեալ ճշմարտութիւնները փնտուելու և գտնա-  
լու , պէտք է ընդունի որ եկեղեցական ու հաւատքի  
վերաբերեալ ճշմարտութեանցն ալ , որ ամենէն մեծ  
ու հարկաւոր ճշմարտութիւններն են , նոյնպէս և  
աւելի ևս հետամուտ եղեր են քննելու և գտնալու ,  
և թէ՛ գիտէ որ անոնք Քաղկեդոնի սուրբ Ժողովքը  
կ'ընդունին և կը ջատագովեն , ինչպէս որ ինքն ալ տեղ  
մը կը զրուցէ Չամբեան Ն . Սիբայէլ վարդապետին  
համար . թէ « Իբրև Չարափոխ Քաղկեդոնեան Ժողովոյն  
անոր կը ներուի » , պէտք էր ուրեմն՝ որ ինչպէս ազգային  
ուրիշ բաներու մէջ՝ նոյնպէս այս բանիս մէջ ալ՝ զլուխ  
ծաւելով անոնց այնչափ հետամուտութեամբը քննած և  
ստուգած ճշմարտութեանը՝ համարձակէր այնպէս  
համարձակ հերքելու և նզովելու ընդհանրական եկե-  
ղեցւոյ տիեզերական մէկ սուրբ Ժողովքը և այնպիսի  
տիեզերահոգակ սուրբ հայրապետ մը , և այն՝ բոլոր  
ազգին և Հայաստանեայց եկեղեցւոյ կողմանէ : Այլ թէ  
Բաբկէն մը առանց աղէկ տեղեկութիւն առնելու՝  
թշնամեաց խօսքին նայելով , ու Օ ենոն ինքնակալի մը  
հրովարտակին , որ հաւատքի խնդիրներուն մէջ չէր  
կրնար ամենեւին իրեն կանոն ըլլալու ընդդէմ այնչափ  
տիեզերական սուրբ հայրապետաց Ժողովոյն որոշմանը ,  
իր չգիտցած բանը հերքեց ու նզովեց . եթէ՛ Վերսէս

Շինող մը նոյնպիսի տգիտութեամբ մերթ հերքեց ու  
նզովեց բանիւ զՔաղկեդոնականները, և մերթ գնաց  
գործով միացաւ ու հաղորդուեցաւ անոնց հետ. եթէ  
Մբրահամ կաթուղիկոս մը նոյնպէս տգիտութեամբ  
սխալեցաւ. ինչո՞ւ զանոնք միայն կը տեսնայ այդ մեր  
պատուական Մզգասէրը, ու չի տեսնար մէկալ այնչափ  
երևելի, անուանի ու ազգերնուս սարժանք եղող աս-  
տուածարեալ հայրապետները, Իմաստասէրը, Ազրը,  
Վարեկացին, Սահանը, Շնորհալին, Գրիգոր Տղան,  
և Վերսէս Լամբրոնացին, որոնք բանիւ և գործով,  
քննութեամբ և ճանաչմամբ, ազգով և ժողովով ընդ-  
ունեցան այս ճշմարտութիւնը. ինչո՞ւ չլսեր Գրիգոր  
տղայ Կաթուղիկոսին որ կը կանչէ՝ « Եթէ զՅովհան-  
նէս ասեմք Իմաստասէրն որ և աթուակալ սրբոյ  
Լթուոյս, և նա այսոցիկ հետևեցաւ շաւղաց ուղ-  
ղափառութեան, և մերն այլ սուրբ նախնիք զնորայն  
ընկալան զխոստովանութիւն, և ձեռնադրեցին զգիրս  
նորա անխախտելի մնալ, Գրիգոր վկայասէր, և  
Քարսեղ հետևող նորին և միւս Գրիգորիս և Վեր-  
սէս մերս հարք, և է յարկեղս գրոց մերոց (գիր Ի-  
մաստասիրին) ընկալեալ ՚ի նոցանէ », : Ինչո՞ւ չլսեր,  
կրսեմք, երանաշնորհ Լամբրոնացւոյն որ Պօղոսեան  
հոգևով աղեկէզ ձայնիւ կը գոչէ՝ « Քարք մարդկան  
հակառակասէր է, զայնս որ ճշմարտութեանն էր  
ջատագով և խաղաղութեանն՝ անգոսնեցին, և զառ-  
թշնամութիւն մարդիչ բանսն՝ սիրեցին և գրեցին :  
Ապա թէ ոչ՝ ո՞ւր դիցուք զբանս Յովհաննու Իմաս-  
տասիրին և հայրապետին որ զայս առ մեզ վկայու-  
թեամբ հարցն սրբոց ստուգէ, զԱզրի հայրապետին  
և զիւրոյ ժողովոյն զհաւանութիւնն, զՍահանայ  
հայրապետին զհամաձայնութիւնն առ մեժ՝ եկեղե-  
ցին Հոռոմոց, և զնորին հետևողաց թագաւորացն  
և վարդապետաց : Յորոց մի էր և իմն աստուածա-  
շնորհ, և յոգունց գերազանց հրեշտակն ՚ի մարմնի  
Գրիգոր Վարեկացի : Սէր և զորոյ աչօք տեսէք և  
բանիցն աշակերտ էք և հիմանն արկելոյ շինիչք՝ զսրբ-  
բոյ հօրն մերոյ Վերսիսի զայսմ հետևողութիւն », :  
Իսոնք բոլոր միթէ հայաստանեայց եկեղեցւոյ հայրա-  
պետները չէն՝ ու միայն Քաբեկէն, Վերսէս Շինող ու

Աբրահամ Աթուղիկոսներն են, որոնցմով կը պարծի  
այդ Պատուական ազգասէրը. չէ նէ մի Հաղբատայ  
անապատը բունեալ Թանձրապորտ Տուտէորդին է ու  
անոր նման հակառակասէր և ազգախոռով մարդիկ որ  
մինչև այս դարուս սկիզբները կ'երևնային, և քիչ մը  
ատենէ ՚ի վեր պակսած ըլլալով, մեծ ակնկալութիւն  
մը կուտային ճշմարիտ ազգասիրաց, որ անցեալ տղի-  
տութեանց հետ կամաց կամաց անոնց կանխակալ վրի-  
պակներն ալ ուղղուելով ճշմարտախնդիր ազգերնուս  
մտքէն, սիրոյ ու խաղաղութեան օրերը կը մօտենան.  
և հիմա նորէն մի պիտի սկսին նոյն Թշուառ ու ցա-  
ւալից օրերը: Թէ որ այդ պատուական Ազգասէրը  
այդպիսի նախապաշարեալ կամ հակառակասէր ան-  
ձինքներով նոր մէկ եկեղեցի մը կ'ուզէ շինել, զորն որ  
չենք կարծեր ամենեին, առնէ Թող՝ կու տանք սիրով՝  
կարճիկ Սանուէլներն ալ, Սաիրիչներն ալ, Տաթևա-  
ցիներն ալ, Տուտէորդիները, Սայրագոմեցիները,  
Պօղոս տարոնացիները և դեռ որչափ որ կան նէ, բայց  
Թողու մեզի մեր աննման Խորենացիները, Լմաստա-  
սէրները, Ահաճանները, Արեկացիները, Ազրերը,  
Աերսէսները ու Վրիգորները, որոնք աղէկ գիտէին ու  
կը ձանձնային որ Քրիստոսի Տեառն մերոյ ընդհան-  
րական և առաքելական սուրբ եկեղեցին մի է՝ երկուք  
չկրնար ըլլալ, ևս առաւել ամէն ազգաց մէկմէկու հա-  
կառակ առաքելական եկեղեցիներ չեն կրնար ըլլալ, և  
մինչև որ մասնաւոր եկեղեցի մը ընդհանրականին հետ  
միացած չըլլայ, բաժանեալ է, միոյ մարմնոյ անդամ  
չէ ու չի կրնար ըլլալ. անոր համար ընդհանրական եկե-  
ղեցիին հետ սէր ու միութիւն ընել ու սրահել կ'ուզէին:

Հիմա անանկ է նէ կը հարցընենք մեր Ազգասիրին.  
Եթէ Քաղկեդոնի տիեզերական սուրբ Ժողովքը մոլո-  
րական հերքեալ և նզովեալ է, եթէ Վեոն հռով-  
մայ սուրբ հայրապետը մոլորեալ և նզովեալ է, ինչ  
կ'ըլլայ բովանդակ հռովմէական եկեղեցին որ զնոյն  
Ժողովքը և զսուրբ Վեոն հայրապետը կ'ընդունի, կը  
ջատագովէ, կը պատուէ և անոնց վարդապետութեա-  
նը կը հետևի, ուրեմն ինքն ալ սխալած ու մոլորած  
է, մոլորեալ են և Յոյները՝ անոր տարակոյս չկայ,  
ուրեմն կը մնայ միայն այս պատուական Ազգասիրին

ձեւացուցած խեղճ Հայաստանեայց եկեղեցին, քանի մը ամենախեղճ Մարտիրոսը ուղիղ անմոլար Վրիստոսի ընդհանրական, սուրբ և առաքելական ըսուած եկեղեցին բաղկացրնողը : ՄՏ, լալու բան . հռովմեական եկեղեցին՝ մայր և գլուխ եկեղեցեաց, որ բոլոր Աւրոպա, Վերիկա, Վիբրիկէ և Վսիա ամէն ազգաց մէջ տարածուած, և ամէն աշխարհք հնդկաստան, Վերիկա, Ղենաստան և Ուկրանիա կը խաւրէ իր առաքելական քարոզիչները դարձնելու անհաւատները, կեանքերնին զոհելով ու մինչև արիւննին ալ թափելով, մոլորեալ է, և Վրիստոսի եկեղեցի չէ, ու միայն այն հայաստանեայց եկեղեցին է Վրիստոսի առաքելական եկեղեցին, որ մտացի մարդ կրնայ ըսել ասիկակ ու չիլալ : Ըստ բան կայ դեռ ասոր վրայ զրուցելու, որոնց թէ ամէնը ըսել ուղենայինք, մատեաններ կ'ըլլային, բայց իմաստունը քիչէն շատը կրնայ հասկընալ : Ըստ աղէկ կ'ընէր մեր պատուական Վղգասէրը թէ որ իր այն սկզբանը վրայ երթալով, ու « Եկեղեցոյ վճիռը իմ համ Պատուելին համ այլ որ եւ իցէ Տասնասոր աշխարհահանի համ Եկեղեցահանի դասաստանի քակ շէնար », ըսելով լռէր, ու ասանկ եկեղեցական խնդիրներու մէջ չմտնար 'ի Չնաս և 'ի գայթակղութիւն ազգին : Սան զի խիստ դէմ ընդդէմ ու հակասական կ'երևնայ, որ մէկը օտարին դէմ վրէժխնդիր ըլլայ, թէ ինչո՞ւ իր սիրելի ազգը հերետիկոս ու հերձուածող կը կոչէ, ու ինքը բարձր 'ի գլուխ քարոզելով և « Յայտնի է ամենայն քրիստոնէայ ազգաց որ հայերը ինչ հերքեն ու ինչո՞վէն զորեշները », ըսելով ինքը զինքը հերձեալ ու բաժանեալ քարոզէ արեւմտեան ու արեւելեան եկեղեցիներէն : Ըստ աղէկ կ'ընէր դարձեալ որ իր անհիմն և ծուռ կարծիքներն ալ իբրև յայտնի ճշմարտութիւն չուղենար հաստատել : Վուզէ որ մեր աստուածարեալ ծերունին Սուլէս Սյորենացին ալ, որ Վագրեանդայ և Վրչարունեաց եպիսկոպոս էր, բերէ խոթէ Վաբկէն Սաթուղիկոսին ժողովքին մէջ . անոր համար մեր 1851 Սարտ ամսոյն Վաղմավիպին մէջ կարծիքով մը ու գուշակօրէն ծերունւոյն կենացը յերկարաձգումը իրեն վկայութիւն կ'առնու . բայց գիտնայ նախ՝ որ թէ և կենդանի եղած ըլլար այն ժամանակը Սյորենացին՝

Հարիւր քսան տարին անցուցած ծերունի մը՝ եպիսկոպոսութիւն ալ թերեւ չէր կրնար ընել թող թէ ժողովքի երթալ : Արկրորդ՝ Վազմավէպին այն յօգուածը շարագրողը , որ ազգային պատմութեանը որչափ համուտ է՝ նոյնչափ ալ անդադար հետամուտ , կ'իմացընէ իրեն որ այն գրելէն ետեւ՝ ստոյգ յիշատակարաններու ու գաւազանագրաց մէջ գտած է , որ Աորենացւոյն եպիսկոպոսութենէն ետքը՝ Վրչարունեաց եպիսկոպոսութիւնը որ Սուսաւորչայ սկսեալ Վագրեանդայ Վթոռոյն հետ մէկ էր և անկէ ետեւ բաժնուելով՝ յաջորդաբար նստեցան հոն Անդակ կամ Անդակ , Յովհան և Թաթաւ , այս վերջինը Թաթաւ կը գտնուի Վաբկենի ժողովքին մէջ : Արով կ'իմացուի թէ գոնէ Աորենացիէն քանի մը տարի ետքը եղած պիտի ըլլայ ժողովքը որ իրեք եպիսկոպոս կարենան յաջորդել մէկմէկու ետեւէ : Վսկէց կ'իմացուի նաև թէ որչափ անյարմար , անտեղի , չկարծուելու ու չըսուելու բան է որ մեր Վագասէրը այն իրեք տուն անոճ՝ անարուեստ , անձունի ու ամօթալի նզովքի շարականը՝ մեր սուրբ ճարտար ու վսեմախօս Աորենացւոյն բերանը կ'ուզէ դնել՝ որ քիչ մը ուժ առնու : Արուն համար կը զարմանանք թէ ինչպէս ինքը , որ Վրիգոր Ա կայասիրին ընտիր հայհաբանաւթեմ ու վսեմ ոճով շարագրութեանը ու հարանց վարիին անալի և սարիին ոճին մէջ եղած զանազանութիւնը իմանալով՝ իր հրատեքէ Բողբ եր սերելի ազգին ուսումնականները որ Բաղդադէն ու Կոնստանտնուպոլիս , չիկրնար ետքը իմանալ թէ Աորենացւոյն ոսկի գրչէն անանկ անձոնի ու անհամբերէ կրնայ մի յառաջ գալ : Վաւական է որ մէկը Հայրապետաց շարականի Վանկունքին այն վսեմ ու ճարտարասիւս հինգ տները կարգայ , ու ետքը այն անհամ և անձունի նզովքին իրեք տունը , և թէ որ չիմանայ ու չիտեսնայ երկուքին մէջ եղած տարբերութիւնը՝ այնպիսին ականջ չունի ըսել է : Վնոր համար ազգին մէջէն քիչ մը բան հասկըցող խաղաղասէր ու ճշմարիտ ազգասէրներն ոչ միայն իրենք չուզեցին ըսել ատնզովքը , այլ և բոլորովին ծածկել ու անհետ ընել ջանացին որ ժողովուրդն ալ չտէ , և Սսկան վարդապետ որ առջի շարական տպողը եղաւ՝ չտպեց այն իրեք տունը , որ հին գրչագրաց մէջ ալ չկան : Վայց երբ որ



Հակառակասիրութիւնը տղիտութեամբ ու կրօնքի  
 կոյր նախանձաւորութեամբ եղբայր եղբօր դէմ կռուի  
 կը հանէր, նորէն ու նորէն աւին խոթեցին տապաքու-  
 թեանց մէջ: Այսպէս ալ Սարգիս Շնորհալին կա-  
 թուղիկեայց թղթոց մեկնութեանը մէջ սրբոյն Աւոնի  
 անունը ուրիշ հերետիկոսաց կարգը գրուելը. զորն որ  
 վկայութիւն կը բերէ մեր Ազգասէրը, առանց թերևս  
 կարգալու կամ յիշելու Չամչեան Պատմ. Գ. հատու-  
 թին 398 երեսը գրուածը. թէ ինչպէս նոյն ձեռագիր  
 օրինակը՝ որուն վրայէն շարուեր և տապաքուեր է այն  
 Կոստանդնուպօլսոյ (Հայոց թուականին 1192) տը-  
 պուածը, ձեռք իյնալով իբրև դանձ անգին կը պա-  
 հուի մեր մատենագարանը, որուն մէջ կ'երևայ յայտ-  
 նի բանին ինչպէս ըլլալը. վասն զի երկու այն տե-  
 դուանքն ալ, զորոնք Ազգասէրը կը նշանէ, ձեռագրին  
 գրուածը աղէկ մը քերթած որ չիկարդացուի, ու վրան  
 նոր ու նօսրգիր սրբոյն Աւոնի անունը գրեր են. զորոնք  
 ուրիշ (242 թուականին գրուած) ընտիր գրչագրի մը  
 հետ ալ բաղդատելով՝ առջի տեղի քերթուած բառը  
 կը գտնանք Սեփիանոսի Անտիոքացոյ անունը, որն որ  
 Աւոն հոռովայեցիի փոխուեր է. իսկ երկրորդ նշանա-  
 կուած տեղը այն մէկալ գրչագրին մէջ որովհետև քա-  
 նի մը ուրիշ հերետիկոսաց անուններ կը պակսի, չիմա-  
 ցուիր թէ քերթուածը ինչ անուն է եղեր զորն որ Աւո-  
 նի փոխեր են: Ասոնցմէ կրնայ իմացուիլ մէկալ Մաշ-  
 տոցին ու քահանայից ձեռնագրութեան մէջ եղածնե-  
 րուն ալ ինչպէս և որոնցմէ խոթուած ըլլալը: Արոնց  
 վրայ կարծէինք թէ իրաւամբ ամչնալով հիմա բովան-  
 դակութիւն ազգին մուացութեան քողով մը կ'ուզէ  
 ծածկել մանաւանդ, չէ թէ նորէն նոր զարթուցանել  
 պարծանքով նոյն գրգիռները. անոր համար շատ ցաւ  
 տուաւ մեզի երբ այնպիսի պատուական լրագրի մը մէջ  
 տեսանք հրատարակուած այդպիսի ճշմարտութեան ու  
 ազգասիրութեան դէմ հատուած մը, և միակ մխիթա-  
 բանքնիս այս է, որ ազգին զգոնագոյն մասը մեզի պէս  
 գծկամակած ու զայրացած ըլլայ այդ բանիդ համար:

---

ՎԵՆԵՏԻԿ Ի ՎԱՆՍ Ս. ՂԱԶԱՐՈՒ 15 ՅՈՒՆՈՒԱՐ 1852

3  
 2  
 1  
 N 242









